

Cien Hoh Lwgminz Yauzcuz Caemhyouq Gizneix

千户瑶族人民把家安

□ Moz Beibei hoiz 莫蓓蓓 译

Hozciz Si Nanzdanh Yen Lijhuz Yauzcuz Yangh Mbanjyauz Cienhoh, dingzlai dwg Bwzguyauz youq, haemq ndei baujlouz le gij vwnzva gyoengqde. Aen mbanj neix cungfaen leihyung h gij yenzsu vwnzva minzcuz, yungzhab gij swhyenz funghgingi gyaendei, daihlig hwngfat lijyouz, youq bi 2019 ndaej bingz baenz “Aen Mbanj Miz Gij Daegsaek Siujsoq Minzcuz Cungguek”. Seizneix, gyoengqvunz ndawmbanj youq onj maengx hong, baengh song fwngz bonjfaenh gaenx guh gvaq hwnj saedcej vannyumnyum.

Hwnq Mbanj Miz Daegsaek

Bi 2017, Nanzdanh Yen hai-doengh aen hanghmoeg senjdieg “Cien Ranz Mbanjyauz Fanh Hoh Yanghyauz” bae haifat lijyouz, ngamq aeu roek ndwen couh guhbaenz sam aen gih haj bak lingz gouj aen laeuz song cien seiq bak betcib ngeih dauz ranz. Ndawde, Dojnuj Segih Mbanj-vangzsang dwg aen diemjanhci haemq hung ndeu, gvangq saek cien ngeih bak moux, cungjdouzshw samcib caet ik maenz, hwnq miz sam bak samcib ngeih aen laeuzranghbaiz, gungh miz cien song bak ngeihcib hoh roek cien seiq bak betcib gouj vunz ndaej senj haeuj ranz moq youq, seiqhenz miz gvangjcaengz, youwzyenz, hawciengz caeuj aen cunghsinh fuzvu gihminz daengj sezsih gunghung.

Byaijhaeuj Dojnuj Segih, cij raen roen iq vangraeh doxgap, gij ranzlaeuz moq henz roen rangh doek rangh baiz baenz baiz, baihlaeng ranzlaeuz dwg goengqgoengq bya sang, seiqhenz miz faexheu, saekseiz miz duzroeg ciuz. Gaengawq gij sibgvenq swngchcanj swngghoz gyoengqde, cungqgyang mbanj lij laeb miz aen lajroq vwnzva miz daegsaek minzcuz ndeu, ranz naj ranz laeng hwnq miz doengh aen diengz lumj canghaeux Yauzcuz, hawj gyoengq beixnuengx Bwzguyauz ndaej roxnyinh sugseg, youq ndaej

gvenq.

“Ndei gvaq ranz gaeuj lai raeuh, daj gizneix hai ci bae yienhsingz cij aeu seiqcib lai faencung, doeng raemx doeng dien, henzgyawj couh miz hagdangz, fuengbienh bae coux soengq lwgnyez.” Dwen daengz gij saedcej buen ranz, Hoz Cwngginh ndaej hajcib bi de gwnz naj riunymj rimhoz gangj. Caeuj de ganggoj ndaej rox, ranz de dwg ranzdihbauj, daegdaeuz ndaej ngeihngeih bi, caeuj lwgbawx youq Gvangjdungh dajgoeng, dahlan ndaej seiq bi, riengz Hoz Cwngginh song gvanbaz youq ndawranz, dahlgw iq ndaej cibngeih bi, cingq doeg siujyoz, ranz de faen ndaej aen laeuz miz song caengz caemhcaiq gvangq betcib bet bingzfuengmij, baenzneix song gvanbaz couh youq caengz daih’ it hai le aen bouq iq ndeu, saedcej yied gvaq yied ndei lo.

Guh Cehgenh Banggunz

Gij vwndiz diegyouq gaijgez le, gyoengq vunzlai Bwzguyauz gungzhoj haenx buensenj doeklaeng youh guh maz gwn ne? Dangdieg haujlai bouxcoz cungj okrog bae dajgoeng, miz mbanj cix hai mozdozceh dauqma ranzmbanj gaeuj laebdaeb dajdaem reihnaz, hoeng doengh boux mehmbwk geq caemhcaiq mbouj rox saw haenx aeu baenzlawz bae ra gwn? Vihneix, Nanzdanh Yen siengj daengz aen cawjeiq “caux lwed” banggunz.

Liz Fungcinh dwg vunz Nanzdanh Yen Bazhih Yauzcuz Yangh, de bet bi couh riengz daxbuz caeuj daxmeh hag gij dinfwngz guh ndangdaenj Bwzguyauz, gig lauxhangz siuqva, dajnyumx daengj dinfwngz, dwg bouxciepcienz aen hanghmoeg guekgya gaep feihvuzciz vwnzva yizcanj ndangdaenj Yauzcuz.

De hai aen diemq dajnyumx ndeu, goq gyoengqvunz senjdieg Bazhih Yauzcuz Yangh caeuj hajcib seiq boux mehmbwk Yauzcuz seiqhenz

gyawj daeuj guhhong, dwg aen “cehgenh banggunz” daih’ it Nanzdanh Yen.

Bi 2019 ndwen 10, Nanzdanh Yen cwngfuj hawj Liz Fungcinh aen bouq mbouj aeu ngaenz ndeu, “Dojnuj Segih Ranzsoujgoeng” couh youq Dojnuj Segih Lijhuz Yauzcuz Yangh hai dou. Aen ranzsoujgoeng neix youq ndaw segih ciu gij mehmbwk cibroek daengz hajcib bi haenx bae guhhong. Gyoengq mehmbwk Bwzguyauz daj seiz iq couh aeu hag siuqva, ndigah gyoengqde cungj miz gij dinfwngz ndei siuqva. Aen ranzsoujgoeng neix baez laebbaenz couh bang le hajcib haj boux mehmbwk gungzhoj segih ra gwn, bienqbaenz aen “cehgenh banggunz” daihngeih Nanzdanh Yen.

Liz Ciuhyiz dwg dahlgw Liz Fungcinh, de daj seiz iq couh raen daxmeh muengz siuqva, doiq gij dinfwngz neix hix miz gamjcingz daegbied, gauhcungh bizyez le de couh maranz bang daxmeh dajnyumx gai huq. De mboujdanh youq ndaw bouq gai huq, lij youq gwnzmuengx cigboq gai huq, gai gij huq gyaendei caemhcaiq miz daegsaek Yauzcuz daengz daengx guek gak dieg bae. Baenzneix, gij seng’ eiq ranzsoujgoeng engq hwng lo, bang bak boux mehmbwk ranzgungzhoj ndaw segih ra gwn gvaq ndwenngoengz, hawj gyoengqde miz hong guh, ndaej demsou, caemhcaiq supyinx le mbanj boux mehmbwk cox youq ranzmbanj guhhong.

Laeb Vihhong Goeng’ik

Gaenx banringz, aen dem aen mozdozceh daj goengq bya gyaen hai doxdaeuj, yaep ndeu couh hai haeuj segih bae. Neix dwg gyoengqvunz bae ranzmbanj gaeuj dajdaem dauqma. Hoz Cwngginh baeznaengz caemh aeu dauqma guh hong reihnaz. Hoeng, ngoenzneix de cix mbouj bae. Baez cam cij rox, yienzlaiz de dwg boux

duicangj Dojnuj Segih vihhong goeng’ik, boux duiyenz guh hong baet ranz baenz bingh lo, de aeu bae bang baet ranz. “Guh duicangj, gou aeu gamduk duiyenz guh ndei, lij aeu youq duiyenz miz hojnanz seiz gvansim caeuj bangcoh gyoengqde.” Hoz Cwngginh gangj.

Vihliux guenjleix segih, caemh-caiq hawj mbanj lwgminz gungzhoj miz hong guh, Dojnuj Segih seizneix laeb miz ngeihcib caet aen vihhong goeng’ik, moix boux moix ndwen ndaej gunghshw cien haj bak maenz ngaenz, gij vihhong baenzneix lij menhmenh demlai caeuj laebndei.

“Moix ngoenz banhaet caeuj lajbyonghngoengz aeu bae baez ndeu, moix baez aeu yungh song aen cung, ngoenz ndeu couh aeu yungh seiq aen cung, hoeng, cungj aeu miz vunz bae guh gij saeh neix ha!” Hoz Cwngzginh bi 1998 couh haeuj dangj, de roxsingj sang, nyienh lai guh lai dawzrap. Ndigah, de gag gawj bonjfaenh guh bouxduicangj gij vihhong goeng’ik segih. “Gou caeuj gyoengqvunz gangj, buen daengz ranz moq le, couh mbouj ndaej lumj youq ranzmbanj gaeuj baenzde seizbienh lo, aeu guenj ndei naj ranz laeng ranz bonjfaenh, aeu gangj veiswngx guh bouxvunz roxsoq roxlaex, gizneix yaek guh lijyouz, seiqhenz seuqcingh caezcingj, hek-youz cij maij daeuj youz daeuj caemz.” Miz Hoz Cwngginh dazyinx, gyoengqvunz hix gaenxmaenx guh hwnjdaeuj, vih segih seuqcingh gyaendei okrengz.

Aen simnduj Nanzdanh Yen Cwngfuj couhdwg aeu louz ndaej roengz “gij cingz ranzmbanj” Bwzguyauz, hwnqguh hanghmoeg bae dajcauh aen diegbaeyouz ndeu, bangcoengh giz dieg ndeu, aen minzcuz ndeu duetgungz baenzmiz, haifat lijyouz veh ok fuk veh gyaendei ndeu——aeu gij vwnzva minzsug Bwzguyauz hwngfat lijyouz, hawj gyoengq lwgminz senjdieg baezlaeng miz hong guh, lai demsou.



Yienghndei Lijhuz Yauzcuz Yangh.